

Ludovica Maria


Poloniae Reginae

Pikarski Adriani S. p. Ludovicae Mariae
Poloniae ac Jussiae Reginae viva et
augusta imago aere perennior.

PANEG. et VITAE

Polon. Fol.

Nº 630.



LVDOVICAÆ
MARIAE
Poloniæ ac Sueciæ
REGINAE

Viua & Augusta

IMAGO

Ære perennior,

In pupillam posthumæ Gloriæ

IMPRESSA.

Fecit è vero, Regius Ecclesiastes

P. ADRIANVS PIKARSKI Soc. IESV.

A N N O M D C L X V I I .

C R A C O V I Æ,
In Officina Heredum Francisci Cezary
S. R. M. Typog.



APPROBATIO.

Vlua & Augusta Imago Serenissimæ
LVDOVICÆ MARIÆ Reginae
Poloniæ & Sueciæ, præclaro stylo ad æui-
ternam posteritatis memoriam, ab Admo-
dum Reuerendo P. Adriano Pikarski So-
cietatis IESV Theologo, S.R.M. Domini
Nostri Clementissimi Concionatore Or-
dinario, expressa, vt publici iuris fiat, po-
testatem facio.

HYACINTHVS LIBERIVS S.T.D.
Præpositus SS. Corporis Christi Ca-
non. Reg. Librorum in Diœcesi Cra-
couien. CENSOR.





D. O. M.

Immortali Posterorum Memoriae
Sacrae Bonarum Mentium Admirationi

Tetrico Maleuolorum stupori,
Innocenti fidere in lucem edita est

Suis à Cineribus semper Phoenix

LVDOVICA MARIA GONZAGA;

Mantuae Monsferr: Rhetelorum Niuernensium Dux,

Christianissimae Gentis Nata,

FILIA LILIORVM,

Burgundiae, Siciliae, Reginarum Neptis,

Auita Palaeologorum Heres, 14579 III

Inuictissimorum POLONIAE & Sueciae Monarcharum

VLADISLAI IV. IOANNIS CASIMIRI

Pientissima Dei & Apostolicae Sedis Gratiâ Coniunx,

REGINA SCEPTROPOTENS:

Quam Orbis Imperio parem

FRANCIA dedit, SARMATIA habuit, EVROPA suscepit.

Mulier ultra Feminam,

Animi Corporisq; basilicè pulchra;

Et in moderandis Alternorum vicibus

PVLCHERIA.

Nisi odiosas Eclipses
Tanto Luminari Turpilij obiecissent.
Eadem dubijs Rebus PALLAS & BELLONA,
Pacis Belliq; Arbitra
Quâ publicè quâ priuatim nunquam eguit Maiestatis.
Recens à Galliis,
Simul ac Pacifici Torum auspicata,
In sacra Bella immodicam Dotem litauit.
Secundas, quò secundiùs propagaret Nuptias,
Barbarorum incurfu, Rebellium fragore
Thronorum Exilio, Militaris Licentiae Nexu, Civilis Motu
impacatas,
Intimos Reconditorum Lares,
Industriarum suppetiarum Reditus;
Atauorumq; Gazas à fundo profudit,
Opum atq; auri de proprio penu
Publicæ salutis Censu
Euerriatrix memoranda.
Ingensilli Consilii Vis,
Arcanæ Prudentiæ Robur ingens,
Præualidi Omnipotentis Pragmatiæ nutus,
Quêis fedifraga vtriusq; Aquilonis Arma,
Seu trans æquora vertit, seu domi composuit.
Prostratæ Lechiæ Gloriam, pæne Cadauer Nominis
Vasti Animi spiraculo in vestigia veteris æui suscitauit.
Tot inter Turbines fastidita
Iamq;

Iamq; nutantia Marito REGI sceptrā
Atlantico arrexit Nifu.

Ecquando non risit Immanes Regnandi Fluctus
Medio procellarum immota Rupes?
Non habuisset LVDOVICAM Polonia?
Habuit hodie Poloniam Hostis.

Non regnasset pereunti? Perierat.

Quantâ sui Nominis Inuidiâ

P A T R I Æ M A T E R
Felicissimam apparabat Rempublicam?
Cui spirauit, cui REGES Genuit,
Ast tantæ Spei Germina

Fatum Infans in herba præcidit.
Non Regnantium Vlla exambiuit sanctius prodesse Populis
Non Popularibus Odijs innocentius obiecta est;
Aut quæ vnquam in Ambiguos Ciues
Sine tædio, sine solatio infracti Amoris retinacior?

C E R T E

A ferocia Temporum, ab Infidorum tristibus Insidijs
Nulla Serenior.

Quâ unde suppetebat, Bono publico Pectora propinauit.

Suo CONSTANTIA D Æ
Inuictæ Constantiæ Suada.

Crederetis Posteris?

Quâ memoriâ velut è Tabulis Ordines ac Militiam
De Ceris, de Proauis à studijs, proq; Meritis,
Percolebat viritim percallebatq;!

Io quantum in Saga & Togas largitionibus prodegit!

Prona in omnes, ne Beneficijs immineret nulli:

In Rores & Pruinās passim Lilio pando,

Probè improbeq; Merentibus dexterrima.

Quæ sed Accepti bruta Ingratitudo!

Tot Beneficij Reos, tot impensæ Gratiæ Apostatas

Insons numeravit.

Viueret tamen prius desijt, quàm largiri.

A T O

Religionis illi & Pietatis Cura quota!

Intelligendi super egeno & paupere quale Ingenium!

Diem putas? puta seculum amisisse visa sibi

Si quando intermitteret Miserendi Officia.

Par IL LI ardor, par pretium fuit

Pauperum Tabernas, R E G V M Q; adornare Turres.

Quot Collegia Miserorum

Alimoniâ, Vestiario, Nummariâ proluione,

Latifundijs, Prædijs, Prædisq; Reginali Superfluo detractis,

A V X I T, D O T A V I T, E R E X I T:

Quot proiectæ sortis Impuberes,

Platearum sidera errantia,

E triuiali Luto,

In Ephebiū manuariæ disciplinæ còëgit?

Quot è Fimostratis,

Nudis ignibus scintillantes Puellas,

Netrices æternæ stolæ,

In Palæstram argumentosi filii comportauit?

Et quò

Et quò de Climate frigido Morbum Inertiæ propulsaret,
Domicilia morbidorum, Seminarijs instituit Artium.

Non vspiam pari loco tam luculentus Nitor,

Tam instructa Annonæ copia.

Quid memorem

Diuini cultûs Machinas & Impendia?

SOCIETATEM IESV

In Perfide ac Byzantijs aluit:

E cuius brachijs finitima Æternitati pependit.

Catechisticæ Missionis Presbyteros, modestissimi Exemplaria Cleri,

Lutetiâ Varſauia Coloniam fixit

Prima in Septemtrionem, Virgineum Agmen S. Francisci de Sales

Tenerrimos Flores, & ipsa Gentilitia Flora,

Ab immarcescibili Sequanæ Ripa,

Secus decursus aquarum Vandæ Virginis,

Ne folium Sertis Immortalibus deflueret,

REGALIBVS HORTIS COMPLANTAVIT.

Sic Palatium Claustro, sic Reginal Virginali,

Sic Integritatis Castrum, Aulæ Corruptionis Theatro,

Innocuis vtrimq; parietibus,

Sic è Vanitatis Ambitu & Contemptu

Miram Antiperistasis conglobauit.

Isthic exaggeratum illud **COR,**

Suiq; profundi immensum,

Globi Terraquei Capax

TVMVLAVIT,

Præsepultis in Corde, suæ Foundationis Inquilinis.

QVID PLVRA?

Inclinatâ valetudine iam fatiscens,
Iam vicina deciduæ,
E conspectu Æternorum
Animum Lucubrare solertiùs,
Conscientiæ Commentarios recitare in aures Pœnitentiarij
Quotidie dimidio anni;

Fatorum irruptioni quotmomentis præmori:
Ter Optimam THEOTOCON, Diuosq; Tutelares,
De supremæ horæ præsidio instanter pacisci:
Beatum Marchionem ALOYSIVM, Sanguinem Suum
Cognata deuotione præstò aduincire:
Atq; ad grandis viæ Residuum
Angelorum Pane consuetiùs vesci:

T A N D E M

Adeò non Corpusculi languore, ut Ingenij Mole
Mentis Nimia, Arduos per insomnia volutans Cogitatus,
Si fors de stirpe Lilieti post se Regnatores destinaret;
Incertum annuentibus Polonis,
Solenni Heroum feбри, intempesta Difficilium Contentione
SVBLIME CONTABVIT.
Hinc post funera federaque Infestorum
Semineci Superstes Maleuolentiæ,
Conditis ritè Codicillis
In Momentum, ex quo pendet Æternitas, ritu Catholico prouecta,
Cruenti visceris Agone purpurato,
EMERITAM SERENITATEM
E regione vmbrae mortis emancipauit.
Vidi ego adhuc tepente Leto

Quàm

Quàm placidos, tam verecundos Reginae vultus.

Dubitare poteras extinctam:

Subrississe Caduca, & gestire ad non Peritura

Et illibatas Libare Felicitates videbatur.

E N I M V E R O

Nouum Funereæ Maieſtatis Auguſtale,
IOANNIS CASIMIRI MOLEM,

300 Nigri ſuper Atria Vauelis

Diux Conſortis mortuali Throno

Caduciter initiari,

Ne mirere **POLONIA.**

Inuida fata pijs, & Sors ingentibus Auſis

Rara Comes,

Mortalitate **LVDOVICAM** deſtituit.

Postquam non ſuperarât nihil, ut è voto regnaret.

Infandum **REGINA** iubes renouare Dolorem

Scep̄tris iam quanta ſupinis Tecum cuncta iacent!

H O S P E S

Quod à pallida morte eximium eſt,

SERENISSIMAM VMBRAM

DIVOS INTRA IAGELLONVM MANES

Procul adora & ſuſpice;

Longam iuxta ſeculorum cladem

Magnæ **REGNATRICI** conſepultam

LEGE LVGE.

Egit Mortalem lustris vndecim.

Sceptra gessit annos vnum de viginti.

Ærâ Salutis M DC LXVII. Kalendas Maij XVI,

V I X I T.

VIXISSET! QUID ILLA DEMVM;

C O G I T A:

Et Votis, vltimum quæ properant Diem,

Tempera vel Abstine.



Egit

c

Ms. A. 1. 257

